

جریدہ علیہ

مشیت جلیلہ اسلامیہ ک جریدہ رسمیہ

برنجی سنہ آمدہ بر نشر اولنور عدد ۱۰

۳ رجب سنہ ۱۳۳۲ و ۱۵ مایس سنہ ۱۳۳۰

« لیلہ رغالہ عیمة المواب »



امور اداره و تحریریه مشیخت علیا مکتوبخیانی طرفندن نظارت اولنور.



مطبعة عامره — استانبول

۱۳۳۲

انجمن

اموال ایتم اداره سی حساباتک رؤیت و تدقیق ضمنتده و مخلفات عمومیه قسامی مصطفی صدق افندیك ریاستده تشکیل اولنان قومیسون اعضالغنه اوقاف هایون نظارت جلیله سی محاسبات مدیر عمومیه سی ضیا و نقود موقوفه مدیری محمد علی بکر ایله قاضی عسکرلک محکمه سی میزی شرف الدین افندی تعیین بیورلمشدر .

*

**

موجب تحریر اولان ترکاتک تحریری و کبار ورثه و اصحاب مطلوب ایله علاقه داران سائر حقوقک محافظه سی و وظائفه مکلف اولان محاکم شرعیه ده وظائف مذکورہ نک حقیله ایفاسی تأمین و تسهیل ضمنتده بر لایحه قانونیه ترتیب و تنظیم اولنق اوزره استانبول قاضی سی ضیاء الدین افندی حضرتلرینک تحت ریاستده تشکیل اولنان انجمن اعضالغنه مخلفات عمومیه قسامی مصطفی صدق و مجلس تدقیقات شرعیه باش کاتبی عالی و محکمه اوقاف قاضی مشاوری عبدالله افندیلر تعیین بیورلمشدر .

*

**

شورای اوقافده اجرا اولنان جهات علمیه امتحانلرنده بولنق اوزره مجلس مصالح طلبه اعضاسندن بایندرلی محمد افندی تعیین بیورلمشدر

*

**

۳ رمضان ۱۳۲۸ تاریخی نظامنامه موجبجه مستشار مشیخت علیا حاجی اولیا افندی حضرتلرینک تحت ریاستده متشکل شورای علمیه اعضالقرینه فتوی امانتی معاونی حسن خلیق و مکتوبی مشیخت علیا ابوالعلا و مدرسه القضاة مدیری مختار و محاسبات دائره سی مدیری یوسف و مجلس تدقیقات شرعیه باش کاتبی عالی و مأمورین قلمی مدیری بحری و درس و کالتی اعضالرندن حسین و محمد افندیلر تعیین بیورلمش و شورای مشارالیهانک اون بش کونده بر صالی کونلری اجتماعی مقرر بولنمشدر .

*

**

فتوا امینی ساحتلو حیدر افندی حضرتلری طرفندن ارسال بیورلشد :

جوامع ومساجد شریفه خدمه سندن بعضلرینک برر وکیل براقه رق بشقه ایشلر ایله اشتغال یاخود صیفیه کبی دیگر یرلرده اقامت ایله ایفای وظیفه ده تکاسل ایتدکلری کوریلور .

بومثللو جهات علمیه نک توجهنده اهلیت شرعیه و بناء علیه امتحان مشروط بولندی حالده انابه اولنان کسانده بو صفت شرعیه نک موجودتی اصول مرعیه سی وجهله ثابت دکل ایکن بروجه مشروح انابه موافق اوله من .

فتاوی خانیه نک آتی الذکر نقلندن مستفاد اولدینی اوزره بر امام یا مؤذن برعذره مبنی آلتی آی ایفای وظیفه ایده مدیکی تقدیرده بونلرک نابئری بولنسه دخی عزلی مشروع اولدیغنه کوره مصالح ذاتیه واستراحت شخصییه سببیله وظیفه ده تراخی کوسترملک اصلا تجویز اولنه ماز .

«وفی فتاوی قاضیخان اذا عرض للامام او للمؤذن عذرمنعه عن المباشرة مدة ستة اشهر فللمتولی ان یعزله ویولی غیره وان کان للمعزول نائب»



شام شریف قاضیلکندن اعطا اولنان ١٤ ربیع الاول سنه ١٣٣٢ تاریخلی اعلام شرعیده حرب زائله موقع حریده احراز رتبه شهادت ایدن یوزباشی محمود افندی ثلث اموالندن یوز لیرای عثمانی بالافراز عثمانلی دوئماسنه اعطا ایدلسنی وصیت و تنفیذینه والده سی خدیجه خانمی وصی مختار نصب وتعیین ایلش اولدینی اجرا قلنان محاکمه شرعیه نتیجه سنده تحقیق ایتکله اولوجهله حکم شرعی لاحق اولمش وحکم مذکور فتواخانه عالیه تصدیق ایدلمشدر .
رحمه الله تعالی رحمة واسعه

